

平
蕪
縣
志





平彝縣志卷之三

知平彝縣事於越任中宜纂輯

男 振芳 校

地理志

疆域 形勢 險要 山川 關隘 風

俗 種人 附

邑為徼外孔道全滇門戶之區南通苗種
中懷安海二獠厥土青黎內多磽确可耕
者十之一耳誠荒服也然白馬清溪之聚

披閱黃圖居然列於名勝間矣惟地險阻
舟車不通轉運無術財利難興欲望民生
之裕曷可得哉作地理志

疆域

滇處京師西南極邊而平則滇東北之一
隅也去京師一萬一百七十里在雲南省
城東北四百一十五里在曲靖府城東北
一百三十五里東至貴州普安州界十五
里南至羅平州界二百二十里西至南寧

縣白水關界三十五里北至靈益州界十五里

物阜里在南露馬尋之間原係右所屯地
地土零星亦佐之豐約等營東北界連普
安而安邊營又東南插入普安城中安定
阿許等營西北與越州及安土接壤皆未
能以四至述也

形勢

神馬擁前翠屏列後清溪環流蒼崖峭立

黔界所分滇疆首邑

險要

地故遐荒壤屬夜郎西通滇戶東鎖黔關
北連安彝南距苗獯千山攢聚一線羊腸
滇之喉舌也

山川

龍馬山 一名白馬山在城南二十五里

高十五里三峯峙立中峯獨出昔有白

龍馬現其間至今石槽尚存鄉人結廬

於其上曰萬山雄鎮

巒岡山 在城東十五里崔巍雄視在萬

山之上

定南山 在城西十里明西平侯沐英闢

漢駐兵於此樹坊其上名曰定南山坊

跡石址猶存

席帽山 俗名老哈坡在城西南一里許

以形如席帽得名

蒙洞山 在城西北五里下有洪源洞高

二十餘丈

落蒙山 在城西一里今名古城寨元初

建羅山縣於此

宗孟山 在亦佐城東南五里彝呼山之

至尊者為祖慕訛為宗孟

旱改山 在亦佐城東十五里遇旱縣人

禱之輒應

矣層山 在佐城西三里山有清泉居人

皆汲飲之彝語水為矣因名

法園山 在亦佐城東南百里巖壁聳高
彝民禱祀祈年處

龍馬山 在亦佐城東五里石巖壁立每
遇微雨石上如物蠕蠕欲動相傳龍馬
出現故名

塊澤坡 在亦佐舊城西十里山崇坡陡
紆迴盤屈之徑劃成鳥形故名其巔為
鸚鵡嘴亦佐知縣邢偉作亭於上額曰
若凌霄漢

以則坡 在亦佐城南一百五十里山峻
而險其上有石或蹲或眠如人物狀者
不可勝紀其地產蘭四時幽香不絕亦
荒服之勝概也

五里坡 在亦佐城東百里陡峻難行康
熙四十年知縣任中宣督工治平可通
輿馬

宣威嶺 在城東十五里滇黔交界迎送
之盡境有亭曰萬里亭明景泰中巡按

御史洪弼立坊其條曰滇南勝境學道
壽以仁重修黔旅至此覺山平天濶東
望則菁霧瘴雲天限二方也

揚威嶺 在城西七里山險菁狹中多毒

蛇今無

清溪洞 一名三台在城西三里面溪流

中窅十餘里紫泉洞通芭火入之有浮
屠龍象芝朶雲英亭臺鐘鼓之屬皆石
乳潤結者騷人遊觀之所

桂花洞 在城北十里洞穴邃幽昔有百

尺大桂根盤洞底枝出洞外秋華時香

微他山今無

紫泉洞 在清溪洞山後穴與清溪洞通

洞口寬敞有臺數重石乳流結一同清

溪中有水出曲折洄澗可以流觴

獅子洞 在城南十里水從洞出波光蕩

漾上下相映可舟可漁

三門洞 在城西北三十里

落水洞 在城西北十五里有竅九十九

水溢從竅出洪源洞

洪源洞 在城西北五里蒙洞山下

天生洞 在城東南一百二十里亦佐地

韜光洞 在亦佐地城東南二里炬火可

入不知深遠程封題曰韜光洞

響水洞 源出白水有深潭天生石壩

多羅海 長五里許遇靈雨則泛濫注

若海漠人見陂澤即云海故名

十里河 在城西南二里合清溪河水至

羅平由廣西泗城達廣東入南海

黃泥河 在亦佐城東百里一名小黃河

四時水色常黃源由樂民所北繞東歸

南入羅平江

蒲鐵河 在亦佐城東南九十里中生九

節蒲其狀如籠又如鐵成屈曲迴環盤

繞水面

塊澤河 在亦佐城西南十五里源發白

水驛達羅平江

以則江 在亦佐城南八十里

雙碧潭 在城東一里

鯉魚潭 在清溪之上天將雨則水潭既

清即晴

響水潭 在城西八里

黃龍潭 在巒岡山下

古城潭 在古城塞下

關隘

豫順關

在城東二里

宣威關

在城東十五里

分水關

在城北二里

風俗

土瘠民貧俗尚樸質疾信醫巫婚喪循禮

男務農耕女昧紡織人亦好義惟信道釋

籍多辰沅故俗類楚士知向學科第漸出

按滇舊志曰昔之言風俗以道里分今

之言風俗以年世分百年不同風又數

百十年不同俗譚景升元結所調化也
然有由鄙野而化文物者由澆漓而化
淳厚者皇風翔洽在事賢達之教詔觀
感為多又有由文物化侈汰者由淳厚
而化淫慝者則五方游寓之為也草詞
訟走公府誘取子弟產業造為蜚語皆
此儕也夫本土之人漢興舞耳諸書所
載陋惡不典者皆舞也今舞且漸化况
於非舞耶

元日祀天地祖先用桃符門丞往來賀歲

立春日春盤賞春以餅酒饋

上元之夕賞燈張樂次夕男女以類相將

遊行携爆竹插香於道相傳可以却疾

火樹星橋有古風焉

二月三日放修楔事

清明插柳墓祭

三月三日謁真武廟

二十八日謁嶽廟為東嶽會

四月八日為浴佛會

五月五日懸艾虎繫續命縷飲菖蒲酒以

角黍相饋

六月朔日至六日禮南斗祈福

二十五日為星回節束松苳於街衢醪飲

村落照田

占歲志云自茲善死後人哀之故有此

節或云即古秉畀炎火之意以焚蟲類

理或然也

七夕婦女穿鍼乞巧

中元祭先於家堂或焚冥衣楮鏹夜放河

燈

中秋以瓜餅祭月

九月朔日至九日禮北斗祈福甚盛

重陽登高飲茱萸酒賞菊以麩簇諸果為

花糕親識相酬饋

十月祀先墓祭

長至相賀互以糍餌饋

臘八日作五味粥

二十四日祀竈

除夕爆守飲分歲酒先少後老煨燼守歲

四更迎竈

冠禮今廢

婚禮求親敦請冰人於家燕而拜之至婦

家拜致主人意婦家既諾即燕之二姓

互相酬拜下定儀將娶訂期納幣然後

親迎其儀物豐儉各稱其力

喪禮棺槨殮殮皆從儉戚有力者於塋上
銘石為記惟彝人不用棺槨皆火化近
亦用木卜葬者多矣

祭禮塊肉雙蛋亦以裡祀兵燹之餘民俗
凋殘聊致孝思耳

廬舍之制與各省異各省止用磁瓦滇用
甌瓦相傳滇中風多明初特勅許用

市肆以十二支所屬之曰為率如寅為虎
午為馬之類俗呼為銜子曰中而聚曰

夕而罷

交易昔多用貝俗名曰肥子一枚曰莊莊
曰手四手曰苗五苗曰索每百索值銀
一兩明嘉靖隆慶間兩次鑄錢彝俗不
識格不能行天啟六年因科臣潘士聞
之條奏巡撫閔洪學力行之錢法始通
見閔洪學奏疏相繼而行至於明末每銀一兩
敵貝至三五百索後至七百索而廢貝
不復用

古者女子出門必擁蔽其面後世官人騎
馬多着罽羅全身障之猶是古意漢俗
婦人出以綿帕覆面至老不去

周禮三農謂山農澤農平地農也註山農
南方之刀耕火種也蜀滇南之雷鳴田
也澤農江南之葑田廣東之海鹽諺所
謂岸水插秧撐船割稻者也若平地農
只可以言中原不可該邊甸也平彝絕
無平原畝若階梯山地無水種蕎麥豆

梁之類大約種稻者曰田種雜糧者皆曰地

滇俗瀕水處皆稱海子高山峻嶺謂之坡呼雲為雲彩初生月曰月牙畫角為畫曉松苴為松明高田為雷鳴田謂雷鳴雨沛始得播種也

種人

黑耀耀

男子挽髮以布帶來之耳帶圈墜一隻披

羶佩刀時刻不釋婦人頭蒙方尺青布
束於額上短衣上披袈裟桶裙結繡上
下迴紋手象牙圈趺足頂帶紅綠珠雜
海貝琿璆以多為勝在夷為貴種凡土
官營長皆其類也土官服雖華不脫彝
習土官婦纏頭絲繪耳帶金銀大圈服
兩截雜色錦綺以青緞為套頭衣曳地
尺許背披黑羊皮飾以金銀鈴索各營
長婦皆細衣短羶青布套頭居深山雖

高岡磽隴亦力耕之種柑苦二蕎自贍
善蓄馬牧養蓄息器皿用竹筐木盤交
易稱貸無書契刻木而析之各藏其半
市以丑戌日莖貴者裹以臯此賤者羊
皮焚諸野而棄其灰能為乳酪雜樵蘇
鬻於市腥穢休儻若鹿豕然性多悍黠
好攻掠漢人弗以女妻之

白羅襪

男衣兩截衣裹頭跣足婦人耳帶銅環被

衣如袈裟以草帶繫腰在鼻種為次貴
即土官之祀事等役是也喪無棺縛以
大麻裹殮舁於行椅前導七人襟甲冑
執鎗弩四方射名禁惡止殺焚之於山
既焚鳴金執旗招其魂以竹簽裹絮少
許置小篋籠懸生者床間祭以五月念
三日插山榛三百枝於門列篋籠地上
割燒豚每籠各獻少許侑以酒食誦彝
經羅拜為敬婚姻惟其種類以牛馬為

聘及期聚眾訂於女家奪其女而歸性
竅情淫酒病惟祭鬼占用雞骨

乾糶糶

彝中之氓也多貧被羊皮革帶佩刀每食
插筋飯中仰天而祝以為報本好勇喜
鬪殺人償之以財有讐怨雖父子兄弟
推刃不顧以上三種飲食或用蕨灰為
鹽居無床蓆男女跣足以背負重言語
缺舌今漸染既久風俗丕變

仲彝

習俗儉約男女昏事犁鋤服短衣長裙搆
樓而居好食犬鼠病不服藥惟務祭鬼
相傳為宋時因罪投荒者祀祖猶類華
俗多姓王

(Faint bleed-through text from the reverse side of the page)

平彝縣志卷之四

知平彝縣事於越任中宜纂輯

男 振芳校

建設志

官署 城池 堤閘 倉庫 驛堡 哨

鋪 橋梁 旅途 坊表 古蹟 冢墓

寺觀 景致

平自元立兩邑分土建官以收臂指之效
則金湯之固郵傳之設官舍之建廩藏之

謀備矣若夫堤閘有灌溉之功古蹟標
名勝之概津梁利涉坊表旌賢是臨民
者之所宜知也何敢廢諸至哲人壟墓
堯宮道觀事既相仿法得附書作建設
志

官署

縣署

即衛守備衙康熙十二年守備李

之陞建大門二間各三間大堂三間辦

事房八間川堂三間後樓五間廂房十

四間康熙三十二年駐劄通判沈宏緒
於署左增建花廳三間書房三廂房三
間康熙四十一年十月知縣任中宜於
書房後建廚房三間花廳右建書房二
間

典史衙 在縣右舊驛官署

駐防衛 在縣左舊千總署

城池

縣城 明弘治七年正德二年遷建周圍

二里一百六十步高一丈二尺梁口八
百六十四無池開東南大西小西四門
建東南北大西小西城樓五座鋪樓十
八座天啟二年為寇益土婦設科等焚
明年叅將袁善重修康熙三十八年知
縣任中宜重修及東南大西小西城樓
四座

交水城

摩彌部蠻蒙提居此築名陬隴

城元即其城立交水縣尋廢明天啟三

年五月巡撫閔洪學重築周圍四百九十七丈高一丈九尺無池開四門建城樓四座鋪樓十二座遷右所官軍駐之順治十六年徙霑益州治於內

堤閘

大壩 在城東六里引水流至黃土坡溉民田百餘畝

木視槽 在城西北三里設木視於西由張灣入望門四布分散下溉民田數百

敵

倉廠

廣會倉

在署前原貯左所屯糧

交水倉

在交水城內貯右所屯糧

屯倉

一在厄勒鋪一在張家屯今無

驛

多羅驛

元至元二十年七月開驛路置

明因之設於石岑鋪之乾橋正德中移

東關外康熙五年移入城屬羅平州驛

丞一員舊設馬六十匹今設五十匹三十四年裁驛丞歸縣帶理

堡

平彝堡 原名白水堡洪武中設夫一百

名以罪人徒充每名歲支本衛穀九石六斗堡田一百八十畝名為醬豆田六百戶一員典之順治十八年裁百戶歸衛千總衛裁歸驛驛裁歸縣

哨

滇南勝境哨

宣威關哨

楊威堡軍哨

乾橋坪軍哨

山黎果軍民哨

響水軍哨

梅子崖哨

崇黎灣軍哨
平彝上

永安哨
佐亦

鋪

平彝在城鋪

東鋪
城東七里

石岑鋪

城一名多羅鋪在城西十五里

響水鋪

一名腰站在城西三十五里

亦佐縣前鋪

牛場鋪 縣西二里

水井鋪 縣西六十里

厄勒鋪 縣西七十里上曲靖大道今廢

橋梁

祈嗣橋 在城東七里萬曆五年指揮李

厚建

乾橋 在城西十五里萬曆二十四年建

豫順仙橋 在東門外萬曆中軍人張大

雲建

石岑鋪橋 萬曆中千戶田嘉永軍人周

良用吳火全建

心崖嶂河橋 在城南三里萬曆中軍人

葉汝貴建

塊澤橋 在城東南一百二十里亦佐地

兩山壁立流水甚疾夾岸之間飛駕而

渡今無以舟濟行人

天生橋 在城東南一百二十里亦佐地

在塊澤江上流天然自就

興隆橋 在城東南二百里亦佐地康熙

二十六年創建

亦陽橋 在城東南二百里亦佐地

永安橋 在城東南二百里亦佐地

界牌橋 在城西北八里萬曆二十四年

分巡道高薦捐貲檄經曆湯廷良督建

仍作亭三楹亭今廢

界牌鋪橋 在城北十五里萬曆五年指

揮李厚千戶田嘉禾建

旅途陸路

滇邊黔路

南寧縣白水關驛東行二十五里有坊曰

平白交界壤接平彝約一里至響水鋪名一

腰站此鋪鋪由響水鋪十里至涼水井鋪左屋

數間行人由涼水井十里至石岑鋪名一羅

鋪人司宿此由石岑鋪八里至揚威哨旁路

有明碑今無宗由揚威哨四里濱溪至清

溪洞龍象芝流中宮深像皆火石乳之流結者

清溪洞右百餘步有橋跨清溪之上清即名

橋由橋三里至平彝城入西關縣治在出

東關百餘步曰玉真仙橋兩後橋有仙人足蹟現橋上舊路

入城西門過鼓樓出南門今其路廢僻人罕行之由橋三里至玉

真觀四里至東鋪茅鋪司居此兩面真觀四里至東鋪茅鋪司居此兩面

三里至新關坪茅屋為十餘間由村西由新

關坪行二里路南有池水深十尺如鏡由

池三里至滇南勝境明巡按御史洪西題

勝曰滇南境外百餘步即黔之普安州界有

牌行四十五里至亦資孔驛屬普安州

平彝遠亦佐路

自平彝縣城東行十里至新關坪自新關

坪村西折南行五十里至厄勒鋪元縣設亦鋪佐

有司於此 逸文故名鋪山巖有自厄勒鋪四

十里至安上羊場洋場屬於平彝州亦轄 迤

文自安上羊場三十里至亦佐舊城城有石

屋座三間址行人舍宿此 自亦佐舊城四十里至

水井兩屋數十間 自水井十五里至倒馬坎

深驛箸 八里自倒馬坎二十里至乾河左路

右餘閭屋自乾河八里至東瓜嶺五里至
下牛場路旁有自下牛場五里至五里坡
垣陟平可難通行與馬始自五里坡二里至黃泥河
漢水帝黃人聚名此行為一宿此鎮自黃泥河十五
里至沙營居昔此首自沙營五里至猪場猪
州即昔安出漠疆接黔界行四十里至黃草

坊表

壩由安籠所石門坎達廣西隆州境

進士坊

在城西明張總建今圯

貞節坊

在城中明張濬妻馮氏建今圯

節制坊

在城西關明唐時英建今圯

全陝保釐

在小西關明唐時建今圯

古蹟

漢平彝縣

漢黔兩志俱失其址漢後紀

明洪武二十三年建平縣於厄勒鋪任

中宜曰今滇南勝境東十里有平彝所

去厄勒鋪五十里按此漢平彝縣當在

厄勒鋪

廢羅山縣

明一統志曰在縉益州東南

一百二十里平彝鄉落蒙山元史曰在

摩彌部東境任中宣曰按此當在多羅

鋪非古城寨

舊亦佐縣

滇後紀曰在廢縣東五里元

至元二年設在夜苴部巴蘭鄉烏龍箐

廢亦佐縣

天啟四年遷築

黃泥河城

崇禎六年築在城東南二百

里未就

平彝縣志 卷之四
普克城 康熙四年亦佐知縣邢偉請遷

治普克營五羅村築土垣未就

舊平彝衛城 在縣東五十里厄勒鋪後

移古城寨

古城寨 在城西一里明建文元年因險

築正統中以山高風烈東遷數百步

廢平彝衛城 弘治七年築正德二年南

移二十餘步即今縣城是

平彝右所城 在縣西百五里故交水縣

城其先摩彌部酋蒙提居此名易倣籠
城後為大理國高護軍所奪元初內附
置縣今為霑益州治

仙台洞 在縣西三里樵者聞有奕棋聲
冢墓

張總墓 在巒岡山下

寺觀

祖師殿 在治西十三里

玄帝廟 在治南二十五里

永興寺 在亦佐舊城東二里

西臺寺 在城西一里古城寨下萬曆中

指揮李厚建明末之終流寇拆毀康熙
九年軍人陳洪祖建洪祖重修

玉真觀 在城東五里萬曆中由白馬山

移建康熙八年雲南驛鹽道副使趙廷
標重修二十二年綏遠將軍總督蔡毓
榮重修康熙四十二年知縣任中宜重

修

三元宮 在古城塞下明洪武中黔國公

沐英建

白雲寺 在亦佐舊治東南一百里

城隍廟 一在縣治左係舊創康熙二十

六年駐劄通判何旅增建後殿兩廡四

十二年知縣任中宜重修一在亦佐舊

治左一在亦佐東南一百里

關帝廟 在亦佐舊治右

關帝廟 在縣治右崇禎中總兵陸盈丙

重建康熙三十九年知縣任中宜重修

闕聖宮 在縣治東十五里明萬曆中建

康熙三十四年總制王繼文重修

永福寺 在城南十五里白巖山上

東嶽廟 在縣治右

景致

石龍古寺 在縣東十五里漢南勝境地

中有石如龍明萬曆二年作石龍寺於

此前列一亭名曰萬里亭後燬於兵康

熙三十四年總督王繼文卽亭故址治
屋三楹施茶濟渴龍沒土中四十八年
方伯李公華之捐金更新石龍復見明
年春撫滇大中丞郭公琛見之曰此虬
也非龍也因更名曰石虬亭山界滇域
嶺劃黔疆雲烟駿隼金碧曠朗帘影翻
雲松濤振響地盤石龍劫殘空王塵勞
暫息行客徜徉

東嶺晴雲 嶺橫縣治之東山宿霧雲嶺

勢遼廓迤邐蜿蜒跨城郭蒼狗變幻
娟秀如濯可卜陰晴嵐光綽約

巒岡翠竹

在東嶺深處去縣十五里綠

筠業生簇巖穿石陰翳蔽天蔥蒨籠日

微雨輕風敲金戛玉宜詩宜酒可詠可

築

宣威曉月

在縣治東南十二里宣威嶺

下潭橫數畝水深十尺朔望陰晴見月

如壁曙雲曉星愈湛圓光含玉朶珠夜

色蒼茫

玉真仙橋

在縣治東關外大橋上兩後

平明有仙人足印邑人奇之橋架飛虹

溪流清泉驟雨如注鳥下真仙往矚其

處足跡宛然

白馬留泉

在白馬上相傳白馬仙駒

飲泉處也石自成池廣不盈丈中涵清

泉不涸不漲清冷甘冽永留仙嶂

泉壑秋潮

在城南里許胡麻橋下洪濤

既盡山谿時流漲滿平田浴鷺浮鷗噴
薄盤旋浪鼓清秋山谷幽迥響答松楸
清溪仙洞 在城西三里洞去清溪百尺
石室凝雲外敞內深烟蘿掛壁乳滴苔
漫奇形怪狀雕鏤難名香不可測宛仙
靈

附亦佐八景

烏龍密箐 在故亦佐縣治北盤旋屈曲
載飛載潛時有雲氣微掛其尖

扎村松韻 在故亦佐縣西北十五里茅

屋傍山炊煙濕露響濺松濤幽人獨寤

十里花香 在亦佐故城西五里一望桃

李繽紛花鬪春光紅香十里望若錦繡

山鳥聒耳前縣令邢偉構亭題其處曰

花筍春深

塊澤漁歌 在亦佐故城西十五里春波

秋月漁簑收笛行歌互答籟音空寂

天生玉洞 在亦佐故城西北二十里塊

澤河流經此而出內甚故寬乳穴堆雲
豁訝突兀鬼斧神工鑿成仙窟

東流西水 在亦佐故城東七里倒飛瀑
布流清而潔珠簾霧捲天青雲白

矣層西水 在亦佐縣治西門外山鍾神
異歲時告虔五風十雨民以有年

夜月明潭 在故亦佐縣治東門外一水
一月含光湛澈窈黑蛟宮皎然桂魄

平彝縣志卷之五

知平彝縣事於越任中宜纂輯

男旅芳枚

賦役志

里甲 戶口 田賦 鹽法 課程

經費 物產 食貨 市肆

遐荒巖邑里賦人民不敵中州小縣而通

粵蹊徑險僻商稅無多鹽非所產來自千

里薪本駝載數倍淮海之價乃額既定經

費復繁無能少佐

國用是亦司會之所難為計也至里布無

征方物免貢寧非

聖朝柔遠之德意耶作賦役志

里甲

民安里 即平彝左所十伍曰馬伍劉潮

伍陳卿伍張斗伍董策伍崔伍張潘伍

真伍田伍聘伍又割霑益州之地二曰

余家堡寄莊

物阜里 即平彝右所十伍曰表統伍表

鄉伍邵科伍李韜伍佐家伍倪金伍王

家伍劉鎮伍馬伍缺員伍又平彝衛之

馬場

慕風里 即亦佐上五營曰阿汪營則章

營赤迫營得村營豐約營

向義里 即亦佐下五營曰安定營阿許

營普克營普只營安邊營

久安里 既海土中伍營編十甲今改六

甲

長治里 卽海土下伍營編十甲今改六

甲

戶口

平糶衛軍丁上中下三則共五百三十丁

實徵銀二百三十二兩七錢二分

平糶衛廢弁舍丁上中下三則共一百八

十七丁實徵銀八十一兩五錢

田賦

原額屯地九十頃五十二畝六分七釐二毫一絲七忽該夏稅本色麥一千一百三十三石九斗一升三勺八圭八粒內除荒蕪無徵外成熟屯地三頃四十五畝九分六釐該原徵夏稅本色麥四十三石八升二合三勺三抄六撮二圭九顆四粟康熙三十四年內巡撫石文晟題准照河陽縣民地土則每畝科稅五升九合二勺一抄該實徵夏稅本色麥二

十石四斗八升四合二勺九抄一撮六
圭每麥一石編條銀六錢三分九釐五
毫八絲三忽該實徵條編銀十三兩一
錢一釐四毫四忽六微七纖四塵四渺

一漢

原額成熟官地四十畝該原徵夏稅本色
麥十二石今照河陽縣上則每畝科稅
五升九合二勺一抄該實徵夏稅本色
麥二石三斗六升八合四勺每麥一石

編條銀六錢三分九釐五毫八絲三忽
該條編銀一兩五錢一分四釐七毫八
絲八忽三微七塵二渺

原額屯田二百六頃三十六畝三分九毫
七絲五忽該秋糧本色米六千四百一
十五石七斗五升九合七勺八撮八圭
三粒折色三錢二分米四百三十石該
銀一百三十七兩六錢內除荒蕪無徵外
成熟屯田三十三頃五十七畝三釐七

毫六絲七忽六微五纖該原徵秋糧本色米一千一百一十三石九斗一升一合四勺八抄今照河陽縣民田上則每畝科糧八升一合八勺三抄該實徵秋糧本色米二百七十四石七斗六合三勺九抄三撮六粒八顆每米一石編條銀六錢三分九釐五毫八絲三忽該實徵條編銀一百七十五兩六錢九分七釐五毫三絲八忽九微九纖七塵六渺

不三漢

卷之六

賦役志

田賦

原額

三

原額官田二十頃六畝六分該秋糧本色
米四百二十一石三斗八升六合折色
六錢米一百八斗石五斗九升四合該
銀一百八兩三錢五分六釐四毫除荒
蕪無徵外成熟官田四頃四十四畝六
分二釐該原徵秋糧本色米九十三石
三斗七升二勺今照河陽縣民田上則
每畝科糧八升一合八勺三抄該實徵

秋糧本色米三十六石三斗八升三合
二勺五抄四撮六圭每米一石編條銀
六錢六分九釐五毫八絲三忽該實徵
條編錢二十三兩二錢七分一釐一絲
一忽一微二纖六塵八渺三漠
原額馬場銀二百六十六兩六錢一分六
釐七毫內除荒蕪無徵外實徵銀一百
四兩二錢九分八釐
亦佐原額民地五十六頃五十九畝三分

四釐七毫二絲每畝科稅五合五勺三
渺該夏稅本色麥三十一石二斗九升
六合一勺九渺一粒六顆

原額彝方原無地畝免丈照納夏稅本色
麥四十石

原額民田五頃六十八畝六分五毫該秋
糧本色米一十一石九斗四升七勺五

氣撮

原額彝方原無田畝免丈照額辦納秋糧

原本色米九十石三斗三升六勺

原額條編俱係營火村寨辦納銀七百五

十五兩三錢七分五釐九毫又額辦金

價銀二兩九錢四釐六毫二絲四忽五

微一塵六渺又額辦協濟站銀二十二

兩又每石編地畝銀一錢一分四釐八

絲三忽該銀十九兩八錢一釐九絲九

忽九微六纖三塵五渺共條編銀八百

兩八分一釐六毫二絲四忽四微六纖

五塵一渺

露益州額內就近割歸中下二五營彝地

免丈額辦夏稅本色麥九石六斗四升

一合八勺該條銀二兩八錢九分二釐

五毫四絲

平彝寄莊夏稅本色麥一石五升

余家堡田二十五畝該秋糧本色米七斗

五升一合七勺七抄五撮條銀三錢七

分五釐三毫九絲五忽九微一纖四塵

三渺三漠

平彝寄莊免丈田畝該秋糧本色米二十

二石六斗九升六合三撮條銀一十一

兩八錢五分七釐四毫七絲三忽九微

八纖八塵六渺四漠

中下二五營彝田免丈照額辦納秋糧本

色米二百七十九石七斗五升九勺七

抄四撮除荒蕪無徵外實徵秋糧本色

米二百四十三石四斗一升九合六勺

一抄六撮實徵條銀七十三兩二分五釐八毫八絲四忽八微

以上額徵條編馬場銀一千二百六兩八錢三分六釐五毫六絲二忽三微四纖四塵一渺三漠額徵丁差銀三百一十四兩七錢八分

一起運項下銀八百四十四兩四錢九分五釐六毫六絲二忽三微四纖四塵一渺三漠

一存留項下銀六百七十五兩八錢四分
額徵本色夏稅麥一百四石八斗四升
六勺一抄一撮六圭一粒六顆本色秋
糧米六百八十石二斗二升八合三勺
四抄六撮六圭六粒八顆

鹽法

每年行銷黑井三萬二千六百觔每觔課
銀一分六釐歲該徵銀五百三十七兩
六錢遇閏照加康熙三十五年十月內

各部每月行銷鹽二千八百觔內撥需
益州鹽八百觔南寧縣鹽八百觔羅平
州鹽六百觔尋甸州鹽六百觔

課程

亦佐商稅銀七兩七分四釐

亦佐茶稅銀七兩

經費

本縣知縣一員歲支俸銀四十五兩

門子二名每名年支工食銀六兩共銀

一十二兩

皂隸二十二名每名年支工食銀六兩
共銀七十二兩

民壯四十名每名年支工食銀六兩共銀
二百四十兩

禁卒六名每名年支工食銀六兩共銀三
十六兩

輪傘扇夫七名每名年支工食銀六兩共
銀四十二兩

庫子二名每名年支工食銀六兩共銀一

十二兩

斗級二名每名年支工食銀六兩共銀一

十二兩

本縣典史一員歲支俸銀三十一兩五錢

二分

門子一名年支工食銀六兩

皂隸四名每名年支工食銀六兩共銀

二十四兩

馬夫一名年支工食銀六兩

本縣儒學教諭訓導各一員歲支俸銀三

十一兩五錢二分

齋夫二名每名年支工食銀六兩共銀

一十二兩

膳夫二名每名年支工食銀六兩共一

十二兩

門子二名每名年支工食銀六兩共銀

一十二兩

儒學銀馬草料每歲照例支銀一十二兩
鞭春酒席每年支銀三兩

二八月春秋二祭每年支銀二十兩

三七十月厲祭三祭每年支銀六兩

鋪司八名每名年支工食銀三兩六錢

共銀二十八兩八錢

物產

稻之屬八種

麥之屬四種

蔬之屬二種

豆之屬十種

藟之屬二種
稗之屬二種

蔬之屬十四種
菌之屬五種

果之屬二十種
花之屬二十四種

木之屬十五種
竹之屬六種

藥之屬十三種
羽之屬九種

毛之屬十一種
鱗之屬五種

食貨

油
蜜
煙
蠟
糖
銅

花椒
麝香
紙
五加皮

市肆

日中為市名曰街子後所未曰亦佐申曰
黃泥河戍曰安定戍曰